

## Lawatan Akademik PSM -MIGHT, Cyberjaya

Pada Khamis, 19 Jun 2025, telah berlangsung dengan jayanya Lawatan Akademik Projek Sarjana Muda (PSM) ke Malaysian Industry-Government Group for High Technology (MIGHT) di Cyberjaya.

Tujuan lawatan ini adalah bertujuan untuk memberi pendedahan kepada pelajar tentang bidang dan kaedah-kaedah Peramalan Technology (Technology Foresight) oleh pakar-pakar dari MIGHT.

Justeru, ia membantu pelajar untuk melaksanakan kajian PSM yang memenuhi keperluan teknologi dan perkembangan terkini industri negara khususnya dalam bidang Pengurusan Teknologi.

Program ini telah dianjurkan oleh Jabatan Pengurusan dan Teknologi (JPT), Fakulti Pengurusan Teknologi dan Perniagaan (FPTP) yang diketuai oleh Penyelaras PSM FPTP Dr. Chandrashekar dan disertai oleh 5 Pensyarah JPT, 7 Pegawai dari MIGHT dan 10 Pelajar PSM 1.

Sepanjang lawatan ini, para pelajar telah diberikan peluang untuk membentangkan hasil kajian PSM 1 dan dinilai oleh Panel dari pihak MIGHT dan JPT.

Pelajar juga telah melibatkan diri dalam aktiviti - aktiviti yang menarik seperti Polak Game dan Kahoot Quiz. Selain itu, pelajar juga berpeluang melihat sendiri suasana dan budaya kerja sebenar dalam organisasi tersebut.

Secara keseluruhan, program ini telah menjadi pemangkin kepada pelajar dalam untuk melengkapkan Projek Sarjana Muda I dan II dan menerokai bidang Technology Foresight.

Setinggi-tinggi penghargaan dan terima kasih diucapkan kepada semua yang telah terlibat serta menjayakan program ini.

